

Inatsisartut aalajangiiffigisassaattut siunnersuutigineqarpoq Inatsisartut Siulittaasoqarfiat peqquneqassasoq Inatsisartut suleriaasiannut allannguutissamik saqqummiusseqqullugu, Naalakkersuisuni siulittaasup, siusinnerusukkut malittarisassat pissusaattut, Naalakkersuisut sinnerisa oqaaseqarnissaminut killilersorneqarnerat attornagu, sukkulluunniit oqaaseqarnissaminut piunasaqarsinnaangorlugu. Tamanna pillugu siunnersuutigineqarpoq Inatsisartut Suleriaasianni aalajangersakkamik ima nipilimmik ikkussisoqassasoq: "Naalakkersuisut Siulittaasuat oqaaseqarnissaminik kissaateqaruni sukkulluunniit oqaaseqarumalluni piunasaqarsinnaavoq".

(Siumut, Demokraatit, Atassullu sinnerlugit Inatsisartunut ilaasortat)

Akissuteqaat

(Naalakkersuisut Siulittaasuat)

1. Siullermeerneqarnera

Naalakkersuisut aallarniutigalugu aalajangiiffigisassatut siunnersuuteqartut qutsavigaat.

Naalakkersuisut aalajangiiffigisassatut siunnersuummi tunngavilersuutigineqartunut tapersiippit, ilaatigut oqaatigineqarpoq Naalakkersuisut Siulittaasuat Naalakkersuisut ataatsimut sinnerlugit Inatsisartut isumaqatigiinniarnani akissuteqarnissamut periarfissaqartariaqartoq kiisalu malittarisassanut maannakkut atuuttunut Naalakkersuisut Siulittaasuannut tunngatillugu, 2008-mit Inatsisartut suleriaasiata ataatsimoortumik allanngortinnissaa kissaatiginangitsutut aamma tulluanngitsumik kinguneqartinneqarsinnaasutut isigineqarneqarpoq.

Aalajangiiffigisassatut siunnersuummi siunnersuutigineqartutut suleriaatsip allanngortinnera Inatsisartut isumaqatigiinniarnanni uummaarinnerusumik aamma naligiissumik eqaannerusumillu oqaloqatigiittoqartarnissaanik kissaateqarnermut naapertuuttoq Naalakkersuisut paasivaat.

Naalakkersuisut taamatut oqaaseqarlutik aalajangiiffigisassatut siunnersuut akuerineqassasoq inassutigaat.